

Tsy misy mangirana ny fiainam-bahoaka **3**
Anjakan'ny mafia ny sehatra maro eto amin'ny firenena

Resaka fifidianana. Tsy nisy nandritra ny 60 taona **2**
Ministry ny fanatanjahantena mamory sefo fokontany

NY VALOSOAO

Gazety miseho intelo isan-kerinandro
(Talata - Alakamisy - Sabotsy) **VAOVAO**

Helian Ralison, Malagasy any ivelany **2**
Feno ny kapoaka raha ny zavamisy eto amintsika ankehitriny

www.gvalosoa.com

gvalosoa@yahoo.com

facebook : gazety valosoa rakoto

Alakamisy 7 jolay 2022

Laharana 1317

Vidiny : **500 Ar**

Ny Valosoa sy Fakafaka **2**

Tsy mahafehy intsony ny fisondrotry ny vidin'entana ny fitondrana



Lalana Ankadimbahoaka-Androndrakely **7**

Nolavadavahana, tsy misy fanamboarana efa ho 2 volana



Mpiasan'ny SECREN **7**

Tena sahirana, 10 fanjava tsy nahazo ny karamany



Kaominina Ivato **3**

Mitohy ny ezaka fanamboarana foto-drafitrasam-bahoaka



Angôvo **3**
24 ora mahery tsy nisy jiro sy rano ny tany Morondava

Betongolo **6**
Misy hatramin'ny andro alahady ny fitsarana miaramila

Daka kely
Rahoviana ihany vao ho tapitra ny delestazy, toa mandainga foana ianareo ry Boaikely a !

RESAKA FIFIDIANANA. TSY NISY NANDRITRA NY 60 TAONA

Ministry ny fanatanjahantena mamory sefo fokontany

Mbola tsy nisy tao anatin'ny 60 taona izany ministry ny fanatanjahantena mamory sefo fokontany izany, mikasika resaka fifidianana. Raha nanontaniana ireo sefompokontany dia valinteny tsotra ny valiny: resaka mikasika fifidianana no natao tao ary nisy sahady ny fizarana vola, saingy tsy nanome maribola kosa ireo sefompokontany nanontaniana. Tato ho ato, hita matetika ato Menabe ity minisitra Tinoka Roberto ity ary efa nanavao ny mpitarika ny Mapar ato Menabe, ka isan'ny nahagaga ny maro ny nametrachany ny talem-paritry ny fanabeazam-pirenena hitarika ny TGV ato Menabe, ahiana hoy ireo ray aman-drenin'ny mpianatra ny hanaovana ny fanabeazana ato Menabe ho fitaovana politika. Miahiahy koa ireo talen-tsekoly sy sefo Zap, ny hisian'ny ramatahora raha tsy manaraka ny baiko politika ataon'ingahy talem-paritra.



Ministry ny fanatanjahantena, namory sefo fokontany momba ny resaka fifidianana.

Rajepa

Helian Ralison, Malagasy any ivelany

Feno ny kapoaka raha ny zava-misy eto amintsika ankehitriny

Naneho ny heviny mahakasika ny raharaham-pirenena eto an-tanindrazana i Helian Ralison, Malagasy monina any ivelany. Aminy dia efa feno ny kapoaka ankehitriny raha ny zava-misy aty Madagasikara:



Helian Ralison, Malagasy monina any an-dafy.

“Manoloana ny fahalovan'ny lafim-piainan'ny Malagasy ankehitriny, dia sarotra ny mbola hana-marina fahanginana na filazàna fa tsy manao politika. Satria vitsy dia vitsy ny sarangan'olona tsy voakasik'izao mianjady amin'ny vahoaka izao, eny fa na dia hitoka-monina ary eto amin'ity Nosy ity dia tsy maintsy ho tratory ny fahasaratana. Ary manao fanahy iniana mitampy-maso mihitsy ka tsy ahita ny vokatra ny fahantàna amin'ny isam-batan'olona na koa eo amin'ny fiaraha-monina.

tana ny fahaverezanao sisa ianao izany. Sarotra ny manaiky izany kanefa izay no zava-misy iarahamahita.

Mbola tsy mahatsapa ve ianao fa ny hasin'ny maha olona mihitsy ankehitriny no hitsahina, satria fitondrana mandrendrika ny Malagasy ny fahefàna politika misy izao?

Mbola tsy tonga saina ve ianao fa ny hetsika rendrarendra sisa no asesik'ireo mpitondra, anarontsaronana ny tsy fahaizamitantana sy ny kolikoly isan-karazany, maha voakitikit'azy rehetra ireo? Sarotra ny tsy hino fa raha olon-kafa no ao ambadik'ireny fanondranana

antsokosoko volamena ireny, dia efa fantatra daholo ny anarany.

Mbola misy antenaina ve ny hahatsara ny fiharin-karena eto Madagasikara, kanefa ny lalàna dia tsy miaro ny marina fa miaro ireo ao anaty fitondrana? Mbola tsy ampy ve ny tranga mampiseho fa giazan'ny ao amin'ny fitondrana ny sehatra fihariana rehetra, izay ahitan-tombony haingana sy betsaka?

Tsy efa mazava ve fa efa manompana ny heriny ireo mpitondra hanamafisana ny toerany sy mitady hamerina “doublons” amin'ny fifidianana?

Maro ireo tranga hafa manohy ireo voalaza ireo, fa amin'izao ankatoky ny fitondrotam-bidim-piainana faobe izao dia vao maika hanampy totraka ny hirifirin'ny toetr'andro izany. Tsy ho vitan'ny fisentosentoana intsony anefa ny miatrika izany.

Mitaky fiovàna avy amin'ny isam-batan'olona izany, ka na eo anivon'ny fianakaviana, na mpiray fokontany, na mpiara-miasa, na mpiray fiangoanana dia

mila mijoro maneho ny tsy fanekena intsony izao famonoana vahoaka izao.

Miainga avy amin'ny tsirairay izany, eny fa na tsy mifandraika amin'ny toetsaina Malagasy aza ny fahasahiana miteny dia tokony hanao izany ho fanavotana ireo taranaka mandimby. Mitaky fivoahana amin'ny fitiavan-tena izany ary dingana lehibe fampisehoana, fa tena tia Tanindrazana ny malagasy.

Tsy mendrika ny Malagasy ny mitazam-potsiny ny fireneny hatsonika anaty fahantrana lalina. Olom-bitsy nandrombaka fahefàna tamin'ny fomba mamohetra no mitondra sy tompon'andraikitra feno amin'izao fidinana andavaka izao, ka raiso ny hery raha tsy te ho levona miaraka amin'ny tahotra ny ho avinao.

Koa sahia miseho ho olom-pirenena, mijoro manala ny zioagam-panandevozana vaovao raha toa tena feno tokoa ny kapoaka! “ hoy ny fanehoan-kevitr'ity Malagasy monina any an-dafy ity.

Nangonin'Isambilo

Fiaraha-miasa amin'ny any ivelany

Nandalo an'i Morondava ny sambo 2 lehibe an'ny tafika Frantsay sy Malagasy

Ny 4 jolay tokony ho tamin'ny roa ora maraina no nigadona tao amin'ny fari-dranomasin'i Morondava ny sambo 2 lehibe an'ny tafika frantsay “ Champlein “ sy ny tafika Malagasy “Tselatra”, izay notronin'ny prefet ny Morondava, sy ireo lehibem-pibaikona ny fitandroana ny filaminana ato Menabe, nahitana ny avy ao amin'ny zandarimaria sy ny tafika Malagasy. Ao anatin'ny fiaraha-miasan'ny tafika frantsay sy ny tafika Malagasy izao hetsika izao, izay misy ny fifanakalozana eo amin'ny tafika roa-tonta sy ny fanamafisana ny fisafoana ny

fari-dranomasina Malagasy ary ihany koa ny fametrahana ny inter-arme Malagasy. Nivoitra nandritr'izao fandalovan'ireto sambo ireto izao, fa milamina ny fari-dranomasin'i Menabe, na dia misy aza ireo vaovao azo hoy ny LV Andriamanjaka dia misy ireo sambo vahiny manao fitrandrahana tsy ara-dalàna ato amin'ny ranomasin'i Morondava dia tsy nahitana izany tamin'izao fisafoana nataon'izy ireo izao, mety noho ny toetr'andro izay somary ratsiratsy tao ho ao angamba hoy izy no antony . Ny tanjona izao dia ny mba ho fiarovana ny mo-

rontsiraka sy ny mba hisy fizarana traikafa eo amin'ny samy tafika an-dranomasina: Malagasy sy Frantsay. Hita taratra nandritra izany, fa mbola lavitra ny ezaka ara-pitaovana ho an'ny tafika Malagasy, raha mitaha amin'ny tafika frantsay, satria raha “Tselatra “ no sambon'ny tafika Malagasy lehibe indrindra dia kely sady bitika raha mitaha amin'ny “ Champlein “ sambo kely indrindra ao amin'ny tafika frantsay izay avo folo eny amin'ny “Tselatra”. Isan'ny fanirian'ny maro ny mba hananan'ny faritra Menabe sambo toa an'ny sambo “Tselatra”, saingy

mbola nofinofy izany na dia hita ary fa tena tokony hisy sambo, mba hampiasaina amin'ny fitandroana ny filaminana an-dranomasina ato Menabe. Sarotra ihany koa ny hanatanterahan'ity “Tselatra”, sambon'ny tafika Malagasy ity ny asany, satria dia mijanona eo amin'ny fanaraha-maso sy fanangonam-baovao ihany izy ireo, satria tsy manana fahefana hisambotra, fa mijanona eo amin'ny fisavana ihany ny asan'izy ireo, ka tsy main-tsy mandefa tatitra dia rafitra hafa koa ny manohy ny asa miaraka amin'izy ireo.

Rajepa

Ny Valosoa sy fakafaka

Tsy mahafehy intsony ny fisondrotry ny vidin'entana ny fitondrana

Ao anaty toe-draharaha mifamahofaho tanteraka ankehitriny ny vahoaka Malagasy, noho ny resaka sondrobidim-piainana, sy ny ho fiakaran'ny solika ato ho ato, na dia tsy mbola voafaritra mazava aza ny daty amin'izany. Efa mandrahona be ihany ny mpitatitra na eto an-drenivohitra sy ny manodidina na amin'ireo zotra reziônaly sy ny nasiônaly. Ho langilangy hidaroka ny ain-dehiben'ny sarambabem-bahoaka no mitatao amin'izao fotoana izao. Ho hatraiza ny vahaolana fanalefahana entin'ny fitondrana amin'izany ? Fitondrana mba miasa fe mba miasa no misy hitan'ny besinimaro, manoloana izany rehetra izany, fa ny fahoriam-bahoaka mitoetra eo ihany.

Tsy mitsaha-mitombo ny vidin'entana fanjifa andavanandro amin'izao fotoana izao, izay efa am-bolana maro no nitrangan'izany teto amin'ny firenena. Ireo vidin-tsakafo tena ilaina isan'andro mampikaikaika ny ray aman-dreny, satria ny vidiny tamin'ny herinandro lasa efa miova indray andro vitsy aty aoriana. Ary ny ho loza, na dia efa misy aza ray aman-dreny mba te-hiàla amin'ny fahasahiranana mafy amin'ny fividianana kojakojam-pianarana rehetra akaiky fidiran'ny mpianatra, ka mba mitady vahoolana mividy mialoha izao, dia indrisy, fa efa notatazan'ny fiakaran'ny vidin'entana sahady. Io fiakarana io, ohatra toy ny kahie, dia niakatra hatrany amin'ny manodidina ny 30 % sahady izao, mainka izany rehefa amin'ny volana aogositra na septambra. Tsy mbola niseho akory ny fiakaran'ny vidin-tsolika dia izany no mitranga. Amin'ity lafiny fampitaovana amin'ny fianarana ity, na ny fanampiana ny ray aman-dreny ho fanamaivanana ny enta-mavesatran'ny dia iarahamahita sy mahalala, fa kely endaka na tsy hita mazava izay hafitsoky ny fitondrana Rajoelina. Hetsika mtsitokotoko, fa tsy mahasehaka ny rehetra no hany vitany isan-taona.

Mazava loatra fa tsy ilaozan'ny fanararaotana ihany koa, no mahatonga izao fiakaram-bidy tsy mitsahatra eo amin'ny entana fanjifa andavanandro izao, sy ireo kojakojam-pianaran'ny mpianatra. Midika mazava ho tsy fahafehezan'izao fitondrana Rajoelina izao ny raharaha manahirana sy mamono ny vahoaka izany. Tsy manana fahaizana mitantan-draharaha sy ny zava-misy sarotra eto amin'ny firenena izany. Tsy atao hahagaga ihany koa anefa izany satria tsy niomana ny amin'izao ny mpitondra ankehitriny, fa may fotsiny handrombaka fitondrana sy hiaro tombontsoa. Ny manahirana, ny sarambabem-bahoaka no mibaby ny vokatra ny tsy fahaizany izay.

Sôh'son

Ny Valosoa sy hadihady

Tsy misy mangirana ny fiainam-bahoaka Anjakan'ny mafia ny sehatra maro eto amin'ny firenena

Tena tsy mazava intsony na tsy misy vola ao amin'ny kitapombolam-panjakana, ka tonga amin'ny lazaina fa tsy mahaloha vola intsony (en cessation de paiement), na ataon'izao fitondrana izao tari-drano an-kilahila ny fitantanam-bola, ka ny voahodinkodina no betsaka, ary ny tena zava-doza dia anjakan'ny mafia tanteraka ny sehatra maro eto amin'ny firenena, ka tsy misy mangirana intsony ny fiainam-bahoaka. Ny antony mahatonga ny hametrahana ireo mety ho fototry ny tsy fahafahan'izao fitondrana izao manefa ny trosa mitatao eo ambonany lohany. Efa aman-taonany no vita ny fanamboaran-dalana nataon'ireo mpandraharaha nandray an-tànana izany kanefa dia arirariran'izao fitondrana izao amin'ny filazana, fa misy asa mbola tsy vita na mbola misy fanadihadiana atao noho ny faktoria tsy misy entana naterina, sns,... Amin'izao fotoana izao dia tsy mandray vatsim-pianarana ny mpianatra eny amin'ny ambaratonga ambony ary ailika amin'ny tekonolojia "digitalisation" tsy voafehy ny rihitra ka, angamba, lany nanakaramana ireo mpisehatra amin'ity teknika vaovao fandoavam-bola ity ny vola. Azo antoka anefa fa tsy maintsy misy ampahany mipitika ho an'izay nanome ny asa ny tetibola natokana ho amin'izany. Vao omaly koa no nitokona ireo mpianatra ho mpitsabo (internes) satria tsy mba nisitraka ny fampiakarana ny karama 13% toy ny mpiasam-panjakana rehetra, satria angamba tsy noheverin'ny mpitondra ho anisan'ny mahazo izany izy ireo. Ny olana anefa dia ny marary na ny manana havana marary eny amin'ny toeram-pitsaboana, hopitaly na CSB, no sahirana rehefa tsy miasa ireto "internes" ireto. Ananan'ny Minsiteran'ny Fahasalalam-bahoaka ny lisitr'izy ireo ary azo antoka fa misy izany koa any amin'ny Minsiteran'ny Fitantanam-bola, ka tokony handeha ho azy ny fison-drotana. Vao ny andro faharoan'ny fanadinana BEPC, ny talata lasa teo, dia nitokona tsy nety nitsara ny taratasim-panadinana ireo mpampianatra satria tsy mbola nisitraka ny tambin-karamany (vacation) tamin'ny taon-dasa. Ny mampametra-panontaniana ny maro dia efa tafiditra ao amin'ny tetibolan'ny Minisiteran'ny Fanabeazam-pirenena isan-taona izany tambin-karama izany, kanefa dia nanjavona tsy fantatra tamin'ny fomba ahoana, satria tsy vao izao no nisy tranga toy izao. Orinasam-pirenena toy ireo manana ny sata mitovy aminy ny orinasa SECREN, ka bankiropitra toy ny Air Mad sy ny Sirama, nitaraina ny mpiasa ao ny herinandro lasa teo fa tsy nandray karama tato anatin'ny dimy volana. Farahidiny ny mpiasa ka tsy manambola hamidy sakafo, tsy manambola hampianarana ny zanany sy hitsaboan-tena, tsy manam-bola handoavana hofantrano, ka tsy fantatra intsony na lasa nihodina aiza indray ny vola tokony ho nandoavana ny karaman'ireto mpiasa ireto. Ka ny fanontaniana mipetraka dia misy mpanambola mety handray itony orinasa itony toy ny anaovana ny Air Mad, ka nasosoka ao ny Madagascar Airlines ve, na toy ny Jirama izay manofa "générateurs" amin'ny orinasa tsy miankina ve? Mampanahy ihany koa ny mety halehan'ny "subvention" dimanjato miliara ariary omena ny Jirama satria tsy mazava mihitsy ny fitantanam-bolan'izao fitondrana izao. Alaim-panahy ny maro hilaza fa ny vola rehetra tokony handoavana ireo "trosa" rehetra ireo dia mety lasa any amin'ny "paradis fiscal", satria raha mivadika ny toe-draharaha dia misidina any fotsiny ny henjana rehetra satria efa manana ny vonona. Araka ny vaovao farany ary namafisin'ny mpandraharaha iray avy any amin'ny Faritra Sava dia tena manambaka ny tantsaha mpamboly lavanila mihitsy ireo manao ampihimamba, satria raha dimy arivo sy fitoalina ariary no hividianana ny iray kilao dia efa mananika ny roa tapitrisa ariary anefa no hividianan'ireo mpividy izany any Eô-rôpa. Tsy mahagaga raha niakatr'afao ny solombavambahoaka voafidy tany Toamasina I momba ity resaka lavanila ity.

Andy Tsiavalona

TANORA TIM ANTANANARIVO FAHA-6 Mikarakara Faradoboka maimaimpoana momba ny fanadinana bacc

Toy ny isan-taona amin'ny fotoam-panadinana toy izao, manomanana famerenana Faradoboka ho an'ireo hanala ny fanadinam-panjakana bakalôrea (bacc) ny Tanora TIM ao Antananarivo faha-6 Ambohimanarina. Nanomboka ny alatsinainy 4 jolay 2022 izany Faradoboka Clé du BACC 2022 izany, izay maimaimpoana. Andiany faha-5 ity asa sosialy izay fanaon'ny Tanora Tim Tana VI ity, tarihan'i Lalaina Rabezana hary eny Ambohimanarina isan-taona. Tanora mpianatra miisa 100 eo no misitraka izany tamin'ity taona ity.

Isambilo



Ireo tanora mpianatra, miatrika Faradoboka amin'ny fandinana bacc eny Ambohimanarina.

TONONKALO

ANTSO HO AN'NY MPANAKANTO

Miantso anao ry mpanakanto, mba meteza ho tonga saina F'efa toa kamboty isika, lavi-dravy sy reny mpiahy. Ireo natao hianteharana, eny ireo izay nantenaina No indro fa mandroba anao ka mifanahin-jiolahy!

Ny maha-ianao anao mihitsy no efa toa tsy asiany vidiny, Fa dia tena hoe izay tiany no tereny hotanterahina. Ampy izay ny toetra ratsiny, ampny izay ny sain'angidiny, Ndeha sokafy anio ny maso fa tsy jamba ianao na pahina!

Izay mba mampiray antsika no aoka harindra sy halanto, F'aza faly ny hisolelaka ka hanohana andry boboka. Olona afaka tanteraka izany atao hoe mpanakanto. Tsy mba ny olona "mpijapy", vetivety dia hijoboka!

Amin'ny maha-mpanakanto dia ny tsara no aoka hatolotra, F'aza faly hahazo vola dia hanitsaka ny namana. Zavakanto dia tsy miaraka amin'ny halatra sy tsolotra Ary koa ny mpanakanto dia tsy "bitro fanandramana"!

Zay mba maha-malagasy no hevero sy asandrato, F'efa potika tanteraky ny resa-politika. Aoka tsy ho vilam-bava nefa tia mitari-bato, Na sokajin'ny bemolotra tia ny mampizara antsika!

IRINA HO TAFITA (02-07-22)

Kaominina Ivato

Mitohy ny ezaka fanamboarana foto-drafitrasam-bahoaka

Mitohy hatrany amin'izao fotoana ny fanamboarana foto-drafitrasam-bahoaka ataon'ny ao amin'ny kaominina Ivato distrikan'Ambohidratrimo, tarihan'ny ben'ny tanàna Penjy Randrianarisoa, voafidy tamin'ny anaran'ny antoko Tiako i Madagasikara (TIM). Afak'omaly, nisy ny fitsidihana ny fahavitan'ny fatsakanan' Andrianampoinimerina tao amin'ny Fokontany K2 nataon'ny Ben'ny tanàna, Penjy Randrianarisoa niaraka tamin'ny Solombavaba-



Ny ben'ny tanànan'Ivato (afavoany manao solomaso), nijery ny zava-bita tao amin'ny fokontany K2, ao amin'ity kaominina ity.

hoakan' i Madagasikara, voafidy tao Ambohidratrimo, Johnny Rakotoari-

soa. Teo koa ny fijerena ny elakelatrano izay nahahirana ny mponina, in-

drindra rehefa fotoam-pahavaratra. Vita beton tsara izany ankehitriny. Faly sy nankasitraka izany ny mponina ary mbola manantena ny hitohizan'ny asa miaraka amin'ny Ben'ny tanàna, Penjy Randrianarisoa izy ireo. Ankoatra izany, nahazo jiro cobra manazava ny lalana avy amin'ny Jirama, sy ny ministeran'ny angôvo koa ny kaominina Ivato, napetraka avy hatrany koa ireo jiro fanazavana ny tanàna ireo.

Stefa

Angôvo

24 ora mahery tsy nisy jiro sy rano ny tany Morondava

Raha 12 ora ihany hatramin'izay ny fahatapanan'ny jiro teto amin'ny renivohitry ny faritra Menabe, tapaka tanteraka izany ny alatsinainy tamin'ny 7 ora hariva ary tsy niverina raha tsy ny talata tamin'ny 9 ora alina araky fanazavana azo moa dia lany tanteraka ny solika tao amin'ny Jirama, izay tsara ho marihina fa mbola ny Jirama ao Antsirabe no mitantana ny Jirama aty Morondava. Saharina ny

vahoaka, indrindra fa tamin'ny fitadiavana rano satria dia vitsy ihany ny manana lava-drano eto Morondava, ka feno bidon mavo eraky ny lalana handeha hitady rano. Maty antoka koa ireo mpanangona hazandrano satria tsy nisy ny glace, nitobaka eran'ny tsena ny fia (trondro), izay voatery namidy mora. Ny tompon' andraikitra tsy nisy nahe-noana feo raha tsy efa nandeha ny jiro, fa izay



Feno tanàna ny bidon jaune ny alatsinainy sy talata teo tany Morondava.

nanontaniana dia milaza fa miandry toromarika izay vao afaka miteny.

Rajepa

NY VALOSOA Gazety misoho intelo isan-korindro VAOVAO (Telata - Alakamisy - Jobatany) Dokam-barotra Tel. 034 79 076 00 gvalosoa@yahoo.com

An-tsary misongadina Ny Valosoa Vaovao

Isambilo, Helisoa

Ireo tanora mpianatra hanala bacc, manaraka Faradoboka maimaimpoana, izay karakarain'ny Tanora TIM Boriboritany faha-6.



Ny fahapotehan'ny lalana Ankadimbahoaka- Androndrakely, tsy misy fanamboarana fa nolavadavahana efa ho 2 volana izao.



An-tsary misongadina Ny Valosoa Vaovao

LW, Rajepa

Ireo mpiasan'ny orinasa **SECREN** any Antsiranana nitaraina, noho ny tsy mbola naharaisiny ny karamany 10 volana.

Antsiranana, le 22 Février 2022

DIRECTION DES RESSOURCES HUMAINES

N° 06 NDRH/ ABN/22

ETAT DE REMBOURSEMENT
S.G

AT.	NOM ET PRENOMS	MLE	NATURE	MONTANT
75	Saïd KOUBESSY	600 196	JIRAMA mois de Novembre 2021	230 630,12
"	"	"	JIRAMA mois de Décembre 2021	185 779,16
TOTAL				416 409,28

Arrêté le présent état à la somme de :
Quatre Cent Seize Mille Quatre Cent Neuf Ariary Vingt et Huit.

Le Directeur des Ressources Humaines

Abou-Bakary Nour El-Houdah

ABOU-BAKARY Nour El-Houdah



Tafika an-dranomasina Frantsay sy Malagasy, nandalo tany Morondava faritra Menabe.



FOTO-DRAFITRASA

Mbola atao fitaovana pôtilika foana ny barazin'i Dabarà

Nontanterahana afak'omaly teto Morondava, ny atrik'asa ho fampahafantarana ny vokatra ny fanadihadiana an-tsipiriany, momba ny fanatsarana ny tambazotran'i Dabarà, izay novatsian'ny Formaprod vola. Nitarika izany atrik'asa izany ny misitry ny fiompiana sy ny Minisitry ny Tanora sy ny Fanantanjahantena sady Minisitry mpiahy ny Faritra Menabe, niaraka tamin'ireo manampahefana eto an-toerana, izay notarihan'ny



Ny barazy sy ny lakandranon'i Dabarà.

Governora, Préfet, Solombavambahoaka voafidy teto Morondava, nasaina manokana ihany koa ny Governoran'ny Faritra Melaky.

Ny barazin'i Dabarà dia 54Km miala an'i Morondava manaraka ny RN35 mankany Antananarivo. Ny lemak'i Dabarà kosa dia mahakasika ny kaominina: Ampanihy, Mahabo, Ankilivalo, Analamitsivala, Bezezika ao amin'ny Distrikan'i Mahabo; Analaiva sy Bemanga ao amin'ny distrikan'i Morondava.

Ankehitriny, 4680 ha ny lemaka no voatondraka, tombanana ho 20000 Ha aorian'ny tetik'asa fanatsarana. Tamin'ny 1974 no natomboka ny fanorenana ny fotodrafitrasa, tamin'ny alalan'ny famatsiam-bola « fonds Israélien », ka ny taona 1978 no vita tanteraka ny asa ary tamin'ny taona 1994 no nisy fanarenana amin'ny ampahany voalohany tamin'ny famatsiam-bola « fonds AFD » rehefa simban'ny cyclone Cynthia tamin'ny taona 1991 ary nanomboka teo ny olan'ny barazin'i Dabarà. Ny taona 2008 kosa ny fanatsarana ny ampahan'ny fotodrafitrasa, izay nataon'ny fanjakana tamin'ny « RPI ».

Ny taona 2014 no nisy fanompoam-pirenena Misy hatramin'ny alahady ny fitsarana miaramila eny Betongolo

Raha ny fototry ny olana hatramin'izay moa dia :
-Ny tsy fahampian'ny rano : tsy ampy ny tahirindrano omen'ny sahandriaka, indrindra amin'ny vanim-potoana main-tany (Volana Aogositra).
-Mifoka rano be loatra ny lemak'i Dabarà.
-Fisian'ny atsanga manenika ny fotodrafitr'asa rehetra , fasika eo amin'ny faritra ambonin'ny barazy, izay manakana ny fidiran'ny rano anatin'ny prise, lakandrano, fandripasika eo amin'ny barazy. Ireto kosa ireo olana ni-

voitra tao anatin'ny fanadihadiana :
Fisian'ny fasika anaty kanaly , anaty ny ouvrage ka mampihena ny hadirin'ny rano zakan'ny kanaly.
Ny fahanteran'ny fotodrafitr'asa, sy ny tsy fahampian'ny fikojakojana (MANQUE D'ENTRETIEN).
Tsy ampy fifandaminana.
Ny tsy fitsinjarana ny rano araka ny tokony ho izy (tsy fanajana ny tour d'eau , ny prise sauvage).
Ny tsy fanarahana taompambolena mirindra.
Ny asa atao vokatra ny fanadihadiana dia ny Barazy Dabarà, sy ireo asa fanatsarana rehetra miaraka amin'ny (CANAL SY OUVRAGE), izay miteti-bidy 50 145 465 452 Ariary, eo koa ny fanorenana ny barazy Kabatomena (4m3/s), sy ny lakan-drano mirefy 10 km (7km vita beton), izay miasa isaky ny ASARA ihany, ka miteti-bidy 24 245 472 978 Ariary. Hisy koa ny fanorenana ny barazy Tandila (2m3/s), sy ny avant-canal , izay miasa isaky ny ASARA ihany koa, miteti-bidy 610 502 262 Ariary. Ny farany dia ny fanaovana barrage de retenue vaovao ao BEKOPAKA, manana hadiry 180 000 000 m3, izay manampy ny rano ao DABARA mandritra ny maintany, miteti-bidy 38 957 613 897 Ariary, izany hoe

mba hahavita an'i Dabarà, izany dia mila vola 114 miliara Ariary ny fitondrana, satria dia mahatratra 113 959 054 590 ny fitambanano ny teti-bidin'ireo asa ireo.

Na dia manome toky aza ny fitondrana dia toa mampanahy ihany ny zava-misy, satria teo aza 80 miliara tsy vita dia izao efa 115 miliara indray no ho vita, nefa iaraha-malala ny fahasahiranana ny fitondrana amin'ny resabola amin'izao, ny olan'ny delestage tsy voavaha, ny volan'ireo mpikojakoja lalana sy ny mpanao lalana koa mbola eo andaniny, manginy fotsiny ireo fotodrafit'asa nanorenana vato fototra manerana ny nosy, saingy tsy mbola misy mihetsika noho izay tsy fananan'ny fanjakana vola izay.

Ny azo antoka dia mba hambaboana ny vahoakan'i Menabe, satria efa akaiky ny fifidianana dia natao izao fanadihadiana izao, saingy hanampy ny tantaran'i Dabarà fotsiny fa mbola lavitry ny afo ny kitay, hoy ny fitenenana izay, sarotra be no inoana fa hahafoty io volabe io, ho an'ny fotodrafitr'asa iray ho an'ny faritra iray ary ny tena mahagaga dia tsy hita ao anatin'ny PLFR 2022 akory ilay asa atao.

Rajepa

Seho « Ndao hirevy »

Ho ambohipihaonan'ireo feomanga

Princio, Njara Marcel & Jacquis Randria ary i Net tex. Mpanakanto samy itoeran'ny feomanga ary manana tononkira « mahitsy toraka » rakotra hafatra mafonja mora takarina. Ireo no hiray sehatra, etsy Antsahamantitra, ao anatin'ny fampisehoana « Ndao hirevy », ny tolakandron'ny Alahady 17 jolay ho avy izao, hanomboka amin'ny am-pamatoran-janak'omby (03 ora fola kandro), etsy Antsahamantitra.

Raha ho an'ny Njara Marcel sy Jacquis Randria manokana, ity no seho goavana voalohany hisedran'izy ireo ny mpanakafy eto Analamanga. Ireto mpanakanto mirahalaha ireto, izay azo ambara fa nahavita dingana lehibe ho amin'ny fahombiazana teo am-pamakivakiana ny lalan-tsarodry ny mozika.

Ny fanasogadinana ny feomangan'ireo mpanakanto, sy ny fahaizan'izy ireo mandrindra izany, amin'ny feonjavamaneno izay azo ambara ho loharano madio tsy mety ritra ahafahana migoka fahafinaretana feno, miampy ny fanatsoahana lesona amin'ny alalan'ny fihainoana ireo tononkira hanajary vatsin-dalana sarobidy. Ireo mitambatra no anisan'ny nanosika ny mpikarakara nisafidy an'i Princio, Njara Marcel & Jacquis Randria ary i Net tex, hanafana, ny « Ndao hirevy ».

Raha fintinina, ny mahasoana sy ny mahafinaritra no hiara-dalana anatin'ny seho « Ndao hirevy ». Nampantena seho raitra sy kanto amin'ny alalan'ny fampiasana fanamafisam-peo, jiro sy hazavana ary lampihazomanaraka ny fenitra maha matihanina rahateo ny mpikarakara. Ho lafatra ny fiarahana !

Lalaso Razafindrakoto



Njara Marcel & Jacquis Randria, vonona hanafana ny « Ndao hirevy ».

Basket Crétérium U12, 2022

Andro faha-6 ny fifaninana anio

Andro faha-6 ny fifaninana basikety "Crétérium U12, 2022" tanterahina eny amin'ny kianjan'Ankatso, anio alakamisy 07 jolay 2022.

Voka-dalao andro faha-4, talata 05 jolay 2022:

U 12 sokajy zavalahy :

- (A) : Tanora 503 – Lspmbc (29-11), Mb2All – Bck (21-20), Assm – Bcest (43-41), (B) : Ascute – Jbm (23-28), Jbm – Dtsc (24-17), Dtsc – Jsbs (28-23), (c) : Ebf – Asjsma (32-21), Sbc – Akbb (26-25), Asjsma – Fandrefiala (14-22), Fandrefiala – Crjs (13-38), (D) : Acmb – Ast (26-09), Cosfa – Pintade (09-19), Ffpro-Bctm – Bas (29-30), Bas – Cosfa (28-14), (E) : (E)-A2bc – Cbf (35-07), Bc 104 – Bcna (18-22), Jcbs – Sepa B (13-17), Cbf – Jcbs (21-22).

U 12 sokajy zazavavy :

- (A) : Asf – Asjsma (14-05), Ebf - Cosfa (10-13), Asf – Sac (05-22), Crjs – Cosfa (13-07), (B) : Ast – Mb2All (22-17), Bcmm – Acmb (11-15), (c) : Sepa 67 ha – Phoënix (10-17), Asa – Lspmbc (20-00), Bcna – Ascute (06-18), (D) : Cbbt – Bc 104 (17-08), Assm – Lucadro (13-16), Gotham - Escp (22-14).

Rainilita



Basket Crétérium U12 eny Ankatso.



Tanora, nitsara miaramila teny Betongolo.

vohoka sy izay manana tsy fahatomombanana ara-batana .

Maimaimpoana ny fitsarana miaramila. Karapanondro sy penina manga

Niaina

Mpiandry raharaha

PHARMACIES DE GARDE
02/07/2022 hatramin'ny
09/07/2022

- NY AINA (Andravoahangy
Ambony) 020 22 229 95

- AICHA (Près CENAM
67ha) 034 74 687 24

- RAKOTOARIVONY (Anak-
lakely en face lycée Rabear-
ivelon) 033 31 222 05/034 45
222 05

- SANTE (Behoririka 1ère à
droite après Station Shell)
020 22 540 32/ 032 05 540
32 / 033 12 434 73 / 034 70
684 04

- H (Andrefan'Ambohijana-
hary) 032 05 111 65/034 14
011 65

LALANA ANKADIMBAHOAKA-ANDRONDRAKELY

Nolavadavahana, tsy misy fanamboarana efa ho 2 volana



Lalana nosimbaina etsy Ankadimboaka-Androndrakely.

Potika nolavadavahana ny lalana Ankadimboaka-Androndrakely amin'izao fotoana, tsy misy fanamboarana izany efa ho 2 volana. Noho izay antony izay, sahirana ireo mpiasa izany lalana izany; ny fahapotehan'io lalana io dia miteraka fitohanana lava amin'ny faritra iny, manimba fiarakodia ihany koa izany fanimbana lalana nataon'ny orinasa to-

kony hanao io lalana io, sy ny fitondrana izany, satria lavaka be tokoa no misy eny an-toerana. Amin'ny hariva sy alina no tena manimba fiarakodia izany lalana nosimbaina izany, satria tsy hitan'ireo mpitondra fiara ireo lavaka rehefa mifanena samy mirehitra jiro iny ireo fiara mihazo izany faritra izany. Tsy mahaloa volan'olona izao fitondrana izao, ireo orinasa mpikojakoja la-

lana, tsy vitsy izy ireo no mbola tsy voaloha ny karmana, izany koa no heverina fa mampiato ny fanamboarana ity lalana Ankadimboaka-Androndrakely ity, tsy te hidiki-kizo hanao izany lalana izany ny orinasa mpiandraiketany azy, ka tsy ho voaloha ny volany avy eo, antony mampikatso ny asa hatramin'izao, efa ho maherin'ny 2 volana.

Aly

Mpiasan'ny SECREN

Tena sahirana, 10 fanjava tsy nahazo ny karamany

Tena sahirana sy very fanahy mbola velona ireo mpiasan'ny orinasa mpanamboatra sy mpikojakoja sambo, SECREN any Antsiranana faritra Diana amin'izao fotoana, efa 10 fanjava, na 10 volana izy ireo tsy nahazo ny karamany, hatramin'ity volana jolay 2022 ity. Ny Tale Jeneraly anefa hoy ireo mpiasa manao tanan'ila, ka ny akaiky na ny marikitra azy dia mahazo avara-patana toy ny fanonerana na ny remboursement ny frais medicaux: saram-pitsaboana. Ny farmasia ao anivon'ny orinasa hoy ihany ireto mpiasa ireto, na fanafody toy ny paracetamol aza tsy misy. Misy koa ireo mpiasa akaiky ny tale jeneraly mahazo fanonerana na remboursement facture ny Jirama ary ny tena loza hoy ireto mpiasa mitaraina ireto dia ny fandafosana vy (ferailles) ao amin'ny orinasa, izay nomen'ny Tale Jeneraly alalana ny fanaovana izany. Voahodinkodina koa ny vola avy tamin'ny OIT nampianarana tanora mania tao amin'ny orinasa SECREN. Mitaraina ny mpiasa ary mahatsiaro ho tsy misy mpiahy intsony.

HJRA (urgences) :
033 11 890 58 /
22 279 79

HOMI Soavinandriana :
22 223 84 / 22 6 N72 21

Hopitaly Befelatanana :
22 223 84 / 22 6 N72 21

Hopitaly
Loterana Ambohibao :
22 441 88 / 22 485 17

Clinique des Soeurs
Ankadifotsy : 22 235 54

Ambulances municipales :
22 200 40
Jirama:
Telma : (22)3547 (n° vert) /
Airtel :03 35 47 /
Orange :032 32 3547

Pompriers :
Tél : 118/22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalàna : 22 280 54
2° Ambanidia : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimananina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao miseho intelo isan-kerinandro Vidiny: 300 Ar Adiresy: lot T 70 Ankadindratombo
TALEN'NY FAMOAHANA :
Rahelisoa A.
034 79 07600

MPANAO GAZETY
Politika:
Isambilo: 033 24 783 65
Rajo: 033 80 022 53
Andry Tsiavalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanataniahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrana 1317-07-2022
Isan'ny natonta: 10 000

Tsy azo adika, na alain-tahaka, na antsaina ampahibemaso raha tsy ahazoana alalana vita soratanana avy amin'ny tompony

BEHARO

Teny tondro (Ny Valosoa Vaovao) N° 398

			Faly sy ravo								
			Tovana								
			Isa								
								Mpanoritra anarana			
								Sakaiza			
								Faran-teny			
								Mpanao fisavana			
								Metaly			
			Milaza fananana					Heriny			
			Mitsidika					Loza (miv)			
			Mpanoritra					Tampisaka (miv)			
			Vorona								
			Fikambanan'ny mpiasa								
								Tontosa soamantsara (miv)			
								Rà (miv)			
								Alina			
								Triatra			
								Rambon'ny soavaly			

BL = Bory Loha
BR = Bory Rambo
MIV = Mivadika
MIK = Mikorontana

Misy ny teny Malagasy ofisialy sy ny tenim-paritra

Ohatra : Valy = Vady

Valliny Teny Tondro (0397)

Mitsivalana

- Taona – RM
- Atrika
- Nay – RN
- Tongotra
- Avia (miv)
- Sainay
- Iza ? – Mino

Mitsangana

- Tantely
- Atao
- Orinasa
- Ny – Gia
- Mivoaka (miv)
- Tany
- RR – AN
- Manadio

TENY MIFANAPAKA N° 398

	A	B	D	E	F	G	H	I	J	K
1										
2					■				■	
3										■
4	■								■	
5										
6					■				■	
7	■									
8					■					■
9									■	
10										■

Mitsivalana

1. Mpivarotra **2.** Tsy lafo (miv) – Kianteny – Tsofoka **3.** May azon'aho **4.** Sakafon-jaza (miv) **5.** Fifanarahana – Dada, Aba **6.** Malot (miv) – Tsirin-teny Mpifanao **7.** Anio **8.** Tampisaka (miv) – Poteho amin'ny laona sy fanoto (miv) **9.** Niambina – Solfa (miv) **10.** Anelanelan'ny zato – Rano mandeha

Mitsangana

A. Mihodin-kodina **B.** Foto-tsakafo (BL) – Fanekena – Ila, iry (miv) **D.** Savoritaka **E.** Tolorana – Lalam-pirenena (miv) **F.** Ohatra (miv) – Fandraisana anjara **G.** Marina – Ranom-bava **H.** Firinga – Simba sy rava (BR) **I.** Kamban-telo – Mpanondro **J.** Ao amin'ny Baiboly – Loko (BL) **K.** Tovona (miv) – Vazana – Fahita lavitra

Valiny Teny mifanaraka 0397

Mitsivalana

- 1. Valy - Sakay
- 2. Olombelona
- 3. Lahatra - Fo (miv)
- 4. Mama (miv) - Saha
- 5. No - Aina - In 6. Or(ana) - Ady
- 7. Ody - Niasa
- 8. TT - Soa - Nao
- 9. Roa - Fa
- 10. Akariny - Zo

Mitsangana

- A Volana - Tra
- B. Alamo - Koto (miv)
- D. Loha - Do (miv) - AA
- E. Siramamy (miv) F. BT - Osy
- G. Seranana H. Alahady - Fy I. K.O - Anay (miv)
- J. Anosy
- Sa K. Fay (miv) - Ntaolo

NY TENY FIAINANA

"Ary aoka ho ambonin'izany rehetra izany ny fitiavana, fa fehin'ny fahatanterahana izany."

Kolosiana 3:14

TARANJA KARATÉ MALAGASY

Hisy ny Assemblée Générale Extraordinaire anio alakamisy

Tanteraka ihany enimbolana aty aoriana ny fangatahan'ireo filohana ligin'ny karaté miisa 12 amin'ny 15 misy, izay manana olana manokana amin'ny Federasiôna Malagasin'ity taranja ity, ny hanaovana AGE « Assemblée Générale Extraordinaire ».

Etsy amin'ny Lapan'ny kolontsaina sy fanatanjantana etsy Mahamasina, no hanatanterahana an'izany anio alakamisy 07 jolay 2022.

Handrasan'ireo filohana ligy 12 ireo ny hanaovan'ny mpitantana ny FMK ny tatitra ara-bola, sy tatitra ara-môraly ary tatitra ara-



Ireo mpitantana Ligin'ny karaté miisa 12 teny Mahamasina

teknika mazava, araka ny fanao amin'ny fivoriambe tahaka itony ary dia ho hita eo izay ho tohin'ny raharaha avy eo. Marihana fa izao hetsika izao no tanteraka dia noho ny asa manokana na-

taon'ireo sensei miisa 5 mianadahy (Sensei Emile, sensei Voahirana, sensei Mamy, sensei Albert ary i sensei Christian), noho ny maha-lavitra ny elanelantany izay nomen'izy ireo fahefana hisolotena azy

ireo (tamin'ny 17 janoary 2022), amin'ny resaka atao manodidina ny karaté, tao anatin'izay enimbolana nisian'ny disadisa teo amin'ny FMK sy izy ireo izay.

Ankoatra an'io hanaovana AGE io dia fantatra, fa voaasan'ny rafitra iraisam-pirenena, handray anjara amin'ny fiadiana ny ho tomondaka erantany amin'ny karaté sokajy "Cadets" sy "Juniors" i Madagasikara, sy hiatrika ihany koa ny fiadiana ny ho tomondaka erantany hatao any Durban Afrika Atsimo amin'ny volana desambra 2022.

Rainilita

Afrobasket U18, 2022

Nivoaka ny anaran'ireo mpilalao Malagasy

Navoakan'ny "Direction Technique Nationale" ao amin'ny FMBB ankehitriny, ny anaran'ireo mpilalao lahy sy vavy "Préselectionnés", handrafitra ny ekipam-pirenena Malagasy hiatrika ny fifaninanana basikety "Afrobasket U18, 2022".

Mpilalao zatovovavy : 1°- RASOLOFOSON Marion Fita (MBC France), 2°- ANDRIAMANANA David Mandresy (MB2 ALL Analamanga), 3°- RAKOTONANAHARY Joanie Anyssa (MB2ALL Analamanga), 4°- RAKOTOBÉ Kristina Nahitantsoa (MB2ALL Analamanga), 5°- ROSSANALY Tessah Shannon (MB2ALL Analamanga), 6°- VOLAHASINA Louise Francette (MB2ALL Analamanga), 7°- ZAFINANAINA Marie H (SEPAABM Boeny), 8°- RAMAHATRA Taratriniana Murielle

Erica (JEAVakinankaratra), 9°- RAJOELINA Francia Andriatsiresy (JEAVakinankaratra), 10°- RASENDRARISON Salohy Fassiolathi (Ascute Atsinanana), 11°- ANDRIAMANOHISOA Liane Kenya (EBF Haute Matsiatra), 12°- RAKOTONIRINA Mijanjasoa Koloina Fiderana (EBF Haute Matsiatra), 13°- RAHARITIANA Chamirah Rodin (TGBC Betsiboka), 14°- CAMARA Maria (ASF Analamanga), 15°- RASOARIVÉLO Fidelity Lyciana (SEPA ABM Boeny), 16°- RANDRIANASOLO Harinirina Nanah (JEAVakinankaratra), 17°- ANDRIANJAFY Nomenjanahary Mihantatiana (JEAVakinankaratra), 18°- ZAFIMAHEFA Nirina Annick Karen (JEAVakinankaratra), 19°- RASOANOMENJANAHARY Anjatiana (LUCADRO

Analamanga), 20°- RAHARI-ARIVONY Justine Etienne (USJFM Atsimo Andrefana). Mpilalao zatovolavy : 1°- ANDRIATSARAFARA Lovasoa Ny Aina (ASCUTE Atsinanana), 2°- RAKOTONANAHARY Landric Donovan (MB2ALL Analamanga), 3°- RABIBISOA Jerry Pepin (COSPN Analamanga), 4°- HERITIANA Fabrizio Michael (EBF Haute Matsiatra), 5°- ANDRIANTSARASOLO Nirina Rinho (ASCUTE Atsinanana), 6°- JAOZAFY Christian (JAP MADA Sava), 7°- RANDIMBIARIVÉLO Rino (SERASERA Vakinankaratra), 8°- SAMBATSY Tsifaly Ismael (AJRT Androy), 9°- TOVOLALAINA Mariano (COSPN Analamanga), 10°- MAKAN Mania Moustapha (BC EST Atsimo Andrefana), 11°- EMMANUEL Yves Victorien

Léon (ASCUTE Atsinanana), 12°- TSIHINDINY Laurent Tahintsoa O'Neal (EBF Haute Matsiatra), 13°- RAOBISAONA Tokiniaina Mihaja (FANDREFIALA Analamanga), 14°- TINDRISOA Joany Angelot (SBBF Alaotra Mangoro), 15°- BE Richcard (ASA Analamanga), 16°- MIRANDO Leva (AMBHOOPS Betsiboka), 17°- INDRIAMIHAJA Joyce Donatien Arselo (BCO Boeny), 18°- RADISON Hariliva Mandresy (FANDREFIALA Analamanga), 19°- RAZANAMANAMPY Alex Tojoanà (ASBM Fitovinany), 20°- M'MADI Mathias (GRAND CHALON France), 21°- RAHARINAIVO Zoherimalala Davida (NEW WORLD ACADEMIC Usa).

Rainilita

Asief section Pétanque Analamanga

Etsy Ampefiloha no hatao ny Championnat regional triplete 2022

Etsy amin'ny kianja "Boulodrome Piste du Terrain Ans Ampefiloha" no hatao, amin'ny sabotsy 09 jolay 2022 ho avy izao, ny fifaninanana Tsipy kanetibe "Championnat regional triplete 2022", natokana ho an'ny mpiasam-panjaka mivondrona ao amin'ny Asief eto Ana-

lamanga. Nambaran'ireo tompon'andraikitra ao amin'ity rafitra ity, fa amin'ny andron'ny zoma 08 jolay 2022 amin'ny 12ora alina, no mifarana ny fisoratana anarana, ho an'izay tehandray anjara amin'ny fifaninanana, ka handoavana mise 15 000 Ar isa-

ky ny ekipa hatao ao amin'ny FB ny section Pétanque Asief Analamanga, na amin'ireo laharana telefaonina an'ny tompon'andraikitra (034 20 102 05; 032 81 331 71; 034 09 048 27) no hanatanterahana an'izany. Ho toloraana amboara sy « 3 lots » ireo mitana ny la-

harana voalohany ary samy ho toloraana « lots » tsirairay avy kosa, ireo ekipa mitana ny laharana faha-2 sy faha-3 ary faha-4. Hanomboka amin'ny 09 ora maraina ny fanipazana ny « bouchon » voalohany.

Rainilita

Taranja Panora

Ho tanterahina amin'ny alahady izao ny Open d'Analamanga

Nanambara ry zareo eo anivon'ny ligin'Analamanga eo amin'ny taranja Panora tarihan'ny filohany, Zafindravo Mely, fa amin'ny alahady 10 jolay 2022 ho avy izao, no hanatanterahana an'ilay hetsika "Open d'Analamanga" eo amin'ity taranja ity, raha

saika natao tamin'ny 12 jona 2022 lasa teo, tetsy amin'ny kianja mitafon'i Besarety. Mbola ao amin'ity toerana ity hatrany no hanatanterahana azy ireo ary "Combats" manodidina ny 40 isa, no ho harahina misesesany amin'izany. Avy amina klioba 6 misy

eto Analamanga ireo mpiatroka hifaninana. Marihana fa ny amin'ity hetsika ity dia ny mba hazoana manatsara ny traikefa efa ananan'ireo "Combattants" eto amin-tsika, sady efa fanomanana ihany koa ny "Combats internationaux" hikatro-

hana amin-dry zareo Réunionnais any Antsirabe amin'ny 31 jolay ho avy izao (Ny lalao miverina dia ho tontosaina any La Réunion amin'ny volana septambra 2022).

Rainilita

Sakafo Ny Valosoa

Henomby sy korzety indray, no Sakafo eto amin'ny gazetinao androany. Atao rondrony izany, na atao ketsaketsa. Dia mazotoa homana tompoko.

NY VALOSOA sy Mahaso
Ny soa azo avy amin'ny beroberoka

Ny soa azo avy amin'ny beroberoka indray, no Mahaso eto amin'ny gazetinao androany. Tsy rehefa marary ihany vao mampiasa azy na vao misotro ny ranony na manao dite azy, fa afaka hohanin'olona salama ihany koa ny beroberoka. Ireo tombontsoa azo avy amin'ny fisotroana azy:



Misy Vitamines A, C, K, E, B, acide folique, calcium, fer, magnesium, potassium, ... Antioxydant, na miaro amin'ny fahanteran'ny sela. Anti-inflammation, miady amin'ny fanaintanana. Tsara ho an'ny olona diabetika, mampilamina tahana siramamy. Mampidina tahana cholesterol, mampidina tosi-drà ambony. Tsara ho an'ny aty, manala tavy. Miady amin'ny aretina Cancer, na homamiadana. Manampy amin'ny fandevonan-kanina, tsara ho an'ny olona mitohana. Mampatanjaka ny hery fiarovana. Tsara ho an'ny hoditra. Tsara ho an'ny taolana. Afaka atao dite, sotroina tsy asiana siramamy izy. Afaka atao toy ny confiture ireny (maka ilay felany mavo iny, ilay mbola mando). Atao anaty vilany, asiana rano dia avela mangotraka, kikisana ny voasary na citron dia atao ao ilay hodiny voakiry iny, avy eo atao ao ilay ranona voasary na citron iny avela angotraka 5min dia esorina amin'ny afo, rehefa mangatsiaka dia asiana tantely atao betsaka ary atao anaty bocale avy eo azo tehirizina iny. Afaka atao maina ihany koa ilay felany, raviny, tahony, iny dia tehirizina, avy eo atao dite, na ampangotrahana.

NY VALOSOA sy Mahaliana
Ny tanànan'i Tanambao Besakay, distrikan'Ambatondrazaka faritra Alaotra Mangoro

Ny tanànan'i Tanambao Besakay, distrikan'Ambatondrazaka faritra Alaotra Mangoro indray, no Mahaliana eto amin'ny gazetinao androany. Renivohitry ny kaominina Tanambao Besakay ity tanàna ity, iray amin'ireo kaominina miisa 20 mandrafitra ny distrikan'Ambatondrazaka. Any afovonany andrefan'ny faritra Alaotra Mangoro no misy azy. Avo toerana ity tanàna ity satria 1018 m ny haavony miohatra amin'ny ranomasina. Vokatra any ny vary, ny sakay amin'izay maha-be sakay azy izay.

